



丹溪心法類集卷之三

秋集

長安後學恒齋

楊珣

類集

吳陵後學

劉勛

校正

○火三十六

○火陰虛火動難治○火鬱當發看何經○

一輕者可降○重者則從其性而升之○實

火可瀉○虛火以補○小便降火極速○

陰虛火動○難治○凡氣有餘便是火

不足者○急甚重者必緩之以

生薑甘草煎瀉亦亦可○人壯氣實火盛顛狂者可用正治或硝黃水飲之○人虛火盛治狂者以生薑湯與之若投水水正立死○有補陰即火自降炒黃栢生地黃之類○凡火盛者不可驟用涼藥必須溫服

左金丸

治肝火

一名回令丸

黃連

六兩

吳茱萸

一兩或半兩

右為末水丸或蒸餅丸服

○凡氣有餘便是火也○氣從左邊起者乃肝火也○氣從臍下起者乃陰火也○氣從脚上起入腹如火者乃虛之極也蓋起於湧泉穴內以四物加降火藥胆之妙○山梔子仁大能降火從小便泄去其性能屈下降人所不知○諸熱瞽瘵冒暗冒昧躁擾狂越罵詈驚駭肘腫疼酸氣逆衝上禁慄如喪神守噤嘔疥瘍喉痺耳鳴聾啞涌反溢食不下

目昧不明暴注暍瘕暴病暴死五忌七情過極皆屬火也○火者有二君火人火也曰相火天火也火內陰而外陽主乎動者也故凡動皆屬火以名而言形質相生配於五行故謂之君以位而言生於虛無守位稟命曰動而見故謂之相腎肝之陰悉其相火東垣曰相火元氣之賊火與元氣不相兩立一勝則一負然則如之何則可使之無勝負乎問

曰神發知矣五性感動而萬事出有知之後五者之性為物所感不能不動謂之動者即內經五火也相火易起五性厥陽之火相扇則妄動矣火起於妄變化莫測無時不有煎熬真陰虛則病陰絕則死君火之氣經以暑與熱言之相火之氣經以火言之蓋表其暴悍酷烈有甚於君火者也故曰相火元氣之賊周子又曰聖人定之以中正仁義而主

靜朱子亦曰必使道心常為一身之主
而人心每聽命焉此善處乎火者人心
聽命於道心而又能主之以靜彼五火
將寂然不作而相火者惟裨補造化而
為生生不息之運用尔何賊之有惟太
僕河間丹溪之意已詳矣

東垣瀉陰火升陽湯

治肌熱頭熱面赤食少

喘咳痰盛

羌活

甘草

黃芪

蒼朮各二兩 升麻八分

柴胡一兩半

人參

黃芩各七錢

黃連酒炒

石膏各半兩

右水煎服

此藥發脾胃火邪又心膽肝肺膀胱藥
也瀉陰火升發陽氣榮養氣血者也

升陽散火湯

治男子婦人四肢發熱肌熱筋

痺熱骨髓中熱發用熱如燎捫
之烙手此病多因血虛而得之

或胃虛過食冷物抑遏陽氣於脾土火鬱則發之

升麻

葛根

獨活

羌活各五錢

防風二錢半

柴胡八錢

甘草各二錢

人參

白芍各五錢

甘草生三錢

右每服半兩水煎稍熱服

喘三十八

喘病

氣虛

陰虛

凡久喘之証未發

宜扶正氣為主已發用攻邪為正○氣虛短氣而喘不可用苦寒之藥火氣盛故也宜導痰湯千縉湯有痰亦短氣而喘○陰虛自小腹下火起而上喘者宜降心火補陰○有火炎者宜降心火清肺金○有痰者用降痰下氣為主○上氣喘而躁者為肺脹欲作風水証宜發汗則愈○有喘急風痰大全方千縉湯佳○有陰虛痰喘者四物湯加枳殼半夏補陰降火○諸喘不

止者用藥一二服則止劫之後因痰劫治
痰因火治火劫藥以椒目研極細末一二
錢生薑湯調下止之又方蘿蔔子蒸熟為
君皂角燒灰等分為末細生薑汁煉蜜丸
如梧桐子大服七十丸噙化止之○氣虛
者用人參蜜炙黃柏麥門冬地骨皮之類
○氣實人日服黃芪過多而喘者用三拗
湯以瀉氣○若喘者須用阿膠○若久病
氣虛而發喘宜阿膠人參五味子以補之

痰喘方

○若新病氣實而發喘宜桑白皮苦葶藶
以瀉之

南星

半夏

杏仁

瓜蒌子

香附

陳皮

青黛

皂角灰

蘿蔔子

右為末神曲糊丸服

劫喘藥

好銅青

研細

國丹

少許炒轉色

右為末五分醋調空心服

○肺以青陽上升之氣若五歲之上通榮衛合陰陽升降往來無過不及六淫七情之所傷感食飽動作藏氣不知呼吸之息不得宣暢而為喘急亦有脾腎俱虛體弱之人皆能發喘又或調攝失宜為風寒暑濕邪氣相干則肺氣脹滿發而為喘又曰痰氣皆能令人發喘治療之法當究其源如感邪氣則嘔散之氣

鬱即調順之脾腎虛者溫理之又當於各類而求凡此証脉滑而手足溫者生脉濇而四肢寒者死○風寒傷者必上氣急不得卧喉中有聲或聲不出以三拗湯華蓋散九寶湯神祕湯皆可用○若痰喘以四磨湯或蘇子降氣湯○若虛喘脉微色青黑四肢厥小便多以活人書五味子湯或四磨湯○治嗽與喘用五味為多但五味有南北若生津

止渴潤肺益腎治勞嗽宜用北五味若
風邪在肺宜用南五味

分氣紫蘇飲 治脾胃不和氣逆喘促

五味 桑皮 茯苓

甘草炙 草果 腹皮

陳皮 桔梗各等分 紫蘇減半

右每服五錢水二鍾生薑三片入鹽少許

煎空心服

神祕湯 治上氣喘急不得卧

陳皮 桔梗 紫蘇

五味 人參等分

右每服四錢水煎食後服

四磨湯 治七情鬱結上氣喘急

人參 檳榔 沉香

台烏

石四味各濃磨水取七分盞煎三五沸温

服

三拗湯 治感冒風邪鼻塞聲重語音不出咳

嗽喘急

甘草生

麻黃

杏仁不去皮各等分

右服五錢水一鍾半薑五片煎服

小青龍湯 治水氣發喘尤捷

○哮喘三十九

○哮喘必用薄滋味專主於痰宜大吐藥中多用醋不用涼藥須常帶表散此寒包熱也亦有虛而不可吐者

治方

半夏

枳殼

桔梗

片苓炒

紫蘇

麻黃

杏仁

甘草

右水煎服 大寒加桂枝

治哮喘積方

右用鷄子一箇畧敲殼損膜不損浸尿缸內三四日夜煮喫之効蓋鷄子能去風痰

紫金丹 治哮喘三年後可用

右用精猪肉一十兩切作骰子塊用
信一兩明者研極細末拌在肉上令
勻今作六分用紙筋黃泥包之用火
烘令泥乾却用白炭火於無人處煨
青烟出盡為度取放地上一宿出火
毒研細以湯浸蒸餅丸如菜豆大食
前茶湯下大人二十九小兒七丸量
大小虛實與之

○淋四

○淋有五皆屬乎熱○解熱利小便山梔子
之類山梔子去皮一合白湯送下

又方 治老人氣虛而淋者

人參 白朮 加木通

山梔

又方即地髓湯 治死血作淋痛不可忍此証
亦能損胃不食

牛膝 一合

右以水五鍾煎耗其四而留其一去滓入

麝香少許空心服之又只單以酒煎亦可又名苦杖散老人虛寒者八味丸或六味地黄丸為要藥

又方 治氣虛而淋者

八物湯加黃芪虎杖甘草煎湯服諸藥中可加牛膝

○諸淋所發皆腎虛而膀胱生熱也水火不交心腎氣鬱遂使陰陽乖舛清濁相干蓄在下集故膀胱裏急膏血砂石從

小便道出為於是欲出不出淋瀝不斷之狀甚者窒塞其間則令人悶絕矣大凡小腸有氣則小便脹小腸有血則小便澁小腸有熱則小便痛痛者為血淋不痛者為尿血敗精結者為沙精結散者為膏金石結者為石小便澁常有餘瀝者為氣揣本揆源各從其類也執劑之法並用流行滯氣疎利小便清解邪熱其於調平心火又三者之綱領為

心清則小便自利心平則血不妄行最
不可用補氣之藥氣得補而愈脹血得
補而愈溢熱得補而愈盛水竇不行加之
穀道閉遏未見其有能生者也雖有腎氣
虛弱囊中受寒亦有挾冷而小便淋澀
者其狀先寒戰而後溲便蓋冷氣與正
氣交爭冷氣盛則寒戰而成淋正氣盛
而寒戰解而得便溺也又有胞系轉戾
之不通者乎是不可不辨胞轉証臍下

急痛小便不通凡強忍小便或尿急疾
走或飽食忍尿飽食走馬忍尿入房使
水氣上逆氣迫於胞故屈戾而不得舒
張也胞落即殂

二神散 治諸淋急痛

海金沙 七錢半 滑石 半兩

右為末每服二錢半多用燈心木通麥門
冬煎入蜜少許調下

五淋散 治諸淋

赤茯苓

赤芍藥

山梔仁

生甘草七錢半

當歸

加黃芩五錢

右每服五錢水煎空心服

車前子散

治諸淋小便痛不可忍

車前子不炒半兩

淡竹葉

荆芥穗能通竅

赤茯苓

燈心各二錢半

右五件分作二服水煎服

又方

治小腸有熱血淋痛

生車前草洗淨白肉搗細每服惟一

盪許井水調瀝清汁食前服○若沙

淋則以煨寒水石為末水調服

茯苓調血湯

治酒麪過度房勞後小便下血

赤茯苓一兩

赤芍

川芎

半夏面

各半兩

前胡

柴胡

青皮

枳殼

北梗

桑皮

白茅根

燈心

甘草

炙各三錢半

右每服三錢薑三片蜜一匙水煎服

木香湯

治冷氣凝滯小便淋瀝作痛身體冷

木香

木通

檳榔

大茴香炒

當歸

赤芍

青皮

澤瀉

橘皮

甘草

右每服三錢薑三片入桂少許煎服

又方

治小便淋痛下沙石或赤澀

萱草根

右用一握搗取其汁服○或嫩苗煮食之

亦可

又方

治卒淋痛

益元散二錢茴香一錢微炒黃

右為末水煎服

又方

治淋莖中痛莖中痛是肝經氣滯有

熱甘草梢子一味

右以水煎空心服

又方

治苦病淋而莖中痛不可忍者

六一子湯或君子湯中加黃柏知

母滑石右葦琥珀煎服

右以水煎空心服

博濟方

治五淋

赤芍藥一兩

檳榔一箇面裹煨

右為末每服一錢水煎空心散

又方

治熱淋血淋効

赤小豆不以多少炒熟

右為末每服二錢煨葱一根温酒調下

通秘散

治血淋痛不可忍

陳皮

香附

赤茯苓

等分

右剉散每服三錢水煎空心服

白薇散

治血淋熱淋

白薇

赤芍等分

右為末每服二錢温酒調下立効或加檳

榔

聚灰散

治血淋若单小便出血為莖衄皆主

之

亂髮不以多少燒為灰入麝香少許

每服用米醋泡湯調下○治淋以葵子末等分用米飲空心調下最治婦人胞轉不尿

沉香散

治氣淋多日五內鬱結氣不舒行陰滯於陽而致壅滯小腹脹滿便溺不通大便分泄小便方利

沉香

石葦去心

滑石

王不留行

當歸

各半兩

葵子

芍藥二錢半

甘草

陳皮

右為末每服二錢煎大麥湯調下

又方

治淋

人參一錢

白朮一錢半

澤瀉七錢

麥門冬五分

赤茯苓七分

甘草五分

滑石五分

竹葉三十片

燈心二十莖

右剉作一服水煎

又方

海金沙七錢半

滑石五錢

右煎木通麥門冬車前草湯服二錢

生附湯

治冷淋小便秘澀數起不通囊中苦痛增寒凜凜多目飲水過度或為寒泣心虛志耗皆有此証

附子去皮臍 滑石各半兩 瞿麥

木通七錢半 半夏

右剉散每服三錢水一鍾半生薑三片燈

心二十莖蜜半匙煎空心服

八正散

治大人小兒心經蘊熱藏府秘結小便赤澀癰閉不通熱淋血淋並宜

車前 瞿麥 菟蓄

滑石 甘草 山施

木通 大黃各等分裝煨

燈心二十莖

右每服五錢水煎空心服

清心蓮子飲

治上盛下虛心火炎上口苦烟乾煩燥微小便赤澀或欲成淋

黃苓半兩 黃芪 石蓮肉

白茯苓

人參

各七錢半

麥門冬

甘草

炙

地骨

車前 各半兩

又方 右每服五錢水煎服○發熱加柴胡薄荷

五苓散

益元散

各一錢

燈心草

三十莖

右水煎空心服○

或去益元散只加車前

末一錢○又或去前二件只加阿膠末

一錢

又方

治熱淋血淋

麻黃 十箇

右以水四碗煎去三留一空心服甚効

又方 治淋疾

石燕

七箇 鴉如黍米大

新桑白皮

三兩 剉拌勻

右以二物分作七貼每貼用水一盞煎七

分去滓空心午前至夜各一服

○淋閉古方為癰者罷也不通為癰不約

為遺小便滴瀝澀痛者謂之淋小便急

滿不通者謂之閉宜五苓散燈心湯調

服若臍下脹滿更加琥珀末一錢甚效
○有淋病下諸通利不通者或用木香
流氣飲或別用通氣香劑纔愈者此乃
氣淋出於冷熱淋之外○血淋一証須
看血色今冷熱色鮮者心小腸實熱色
瘀者腎膀胱虛冷若的是冷淋及下元
虛冷血色瘀者並宜漢椒根剉碎不以
多少白水煎候冷服○若熱極成淋服
藥不動者減桂五苓散加木通滑石燈

草瞿麥各少許蜜水調下

參苓琥珀湯 治淋莖中痛不可忍相引脇下痛

人參 半兩

茯苓 四分

川練子 炒一錢

琥珀 三分

生甘草 一錢

玄胡索 七分

澤瀉

柴胡 各三分

當歸梢 二分

右作一服長流水煎空心服

灸法 治小便淋瀝不通用食盐不以多少炒

熟放溫填臍中却以艾灸七壯即通

○小便不通四十一

○小便不通者用吐之吐之以提其氣氣升則水自降下蓋氣承載其水也○氣虛參芪并麻等先服後吐或參芪藥中探吐之○血虛四物湯先服後吐或芎歸湯中探吐亦可○痰多二陳湯先服後吐已上皆用探吐○若痰氣閉寒者加木香香附探吐○有寒熱者當利之

○有熱有濕有氣結於下宜清宜燥宜升○腎主水膀胱為之府水潴於膀胱而泄於

小腸實相通也然小腸獨應於心者何哉蓋陰不可以無陽水不可以無火水火既濟上下相交此榮所以流行而水竇開闔所以不失其司耳惟夫心腎不濟陰陽不調故內外閉格而水道溢傳送失度而水道滑熱則不通冷則不禁其熱盛者小便閉而絕無其熱微者小便難而僅有腎與膀胱俱虛客熱乘之故不能制水火挾熱而行溢焉是以數起而溺有餘瀝腎與膀胱

膀胱俱冷內氣不克故胞中自滑所出多而色白焉是以遇夜陰盛愈多矣小便澀滑又當調適其氣焉

草蜜湯

治心腎有熱小便不通

生車前草搗取自然汁半盞入蜜一

匙調下

蒲黃湯

治心腎有熱小便不通

赤茯苓

木通

車前子

桑白皮炒

荊芥

燈心

赤芍

甘草炙

生蒲黃

滑石等分

右為末每服二錢葱頭一枝紫蘇五葉煎

湯調服

一婦人脾疼後患大小便不通此是痰隔中焦氣滯於下焦以二陳湯加木通服之効

又方

治膀胱不利為癃癃者小便閉而不通

八正散加木香以取効○或云滑石

亦可

又方 治小便不通臍下滿悶

海金沙一兩 臘茶半兩

右為末每服三錢生薑甘草湯調下

又方 治小便不通

鷄子中黃一枚服之不過三

又方

炒葢熱熨小腹復易之

又方 治忍小便久致胞轉

自取爪甲燒飲服之

又方 以蒲黃裹患人腎令頭至地二度即通

又方 取陳久筆頭燒為灰和水服之

○小便不禁四十二

○小便不禁者屬熱屬虛

○小便不禁有虛熱虛寒之分內虛寒自

汗者秘元丹二日韭子丸○內虛濕熱者

六味地黄丸或八味丸加杜仲骨脂五味

○老人宜八味丸減澤瀉為妙

秘元丹 助陽消陰正氣溫中內虛裏寒冷氣

攻心脹痛泄瀉自汗時出小便不禁
陽衰足冷真氣不足一切虛冷

白龍骨 三兩燒 訶子 十箇炮去核

砂仁 一兩 靈砂 一兩

右四味為末煮糯米粥丸如麻子大空心

溫酒送下二丸臨卧冷水送下三丸忌

葱茶葵菜物

暖腎丸

治腎虛多溺小便不禁而濁

胡色炒 故紙炒

川練 用杜礪炒去杜礪

熟苳 益智 鹿茸 酒炙

山茱萸 代赭 燒醋淬七次另研

赤石脂 各七錢半 龍骨 海螵蛸

熟艾 醋拌炙焦 丁香 沉香

乳香 各五錢 禹餘糧 煨醋淬七錢半

右為末糯米粥丸如桐子大服五十九煎

菖蒲湯空心下

○喉痺咽痛四十三

○喉痺大槩多是痰熱○重者用桐油探吐

○一方射干逆流水吐之

治方 李實根一片噙口內更用李實根研水敷項上一週遭○喉咽生瘡痛是虛熱血虛多屬虛火游行無制客於咽喉也用人參荆芥蜜炙黃柏○氣虛者人參竹瀝○血虛者四物加竹瀝○無實火熱者黃連荆芥薄荷硝蜜薑汁調噙化○治喉痛用倒滴刺根洗淨入些少好酒同研滴入喉中痛立止後服甘桔湯

○口瘡四十四

○口瘡服涼藥不愈者此中焦氣不足虛火泛上無制用理中湯甚則加附子○一方生白礬為末貼之極効

方

治口瘡用西瓜綠水口瘡甚者以此徐徐飲之冬月無此用西瓜皮燒灰噙之○口舌生瘡皆有上焦熱壅所致宜如聖湯或甘桔湯加黃芩一錢仍用柳花散摻之

黑參丸 治口舌生瘡久不愈

黑參

天門冬

麥門冬

去心各炒二兩

右為末煉蜜丸如彈子大每以綿裹一丸

噲化嚙津

柳花散

治口舌生瘡

玄胡索一兩

黃柏

黃連各半兩

蜜陀僧二錢

青黛一錢

右為末傳貼口內有津即吐

又方

細辛

黃柏等分

右為末傳之

又方

黃連好酒煮之呷下即愈

○天疱瘡四十五

○用防風通聖散末及蚯蚓沈畧炒蜜調付

妙○從肚皮上起者是裏熱發於外也還

用通聖散

○酒瘡鼻四十六

○酒瘡鼻是血熱入肺治法用四物湯加橘
紅紅花酒炒黃芩煎入好酒數滴就調炒
五靈脂末同服

又方

用桐油入黃連以天吊藤燒灰熱付
之

一方用桐油入天吊藤燒油熟調黃連末
付之
川山炮為末密噴丸彈子大空心嚼

又方

一丸白湯送下

又方

治小兒鼻赤

雄黃

黃丹

右為末用無根水調付

又方

蒼耳葉酒蒸焙乾為末調付此物最
消食積

○酒瘡者此皆壅熱所致夫肺氣通於鼻
清氣出入之道路或日飲酒氣血壅滯
上焦生熱邪熱之氣留伏不散則為之

鼻瘡矣又有肺風不能飲而自生者非
盡日酒瘡耳宜一味折二泔食後用冷
飲外用硫黃入大菜頭內煨碾塗之○
若鼻尖微赤及鼻中生瘡者辛夷碾末
入腦麝少許綿裹納之或以枇杷葉拭
去毛劉煎湯候冷調消風散食後服○
一方以白鹽常擦其處○又以為牛耳
垢付妙

又方

白龍丸末逐日洗面如澡痘法更晝
少時方以湯洗去食後常服龍虎丹
一貼此方並見和劑方

又方

黃柏苦參檳榔為末付以猪脂調尤
妙

又方

以青黛槐花杏仁研付之

又方

以杏仁研乳汁付之

鉛紅散

治風熱上攻面鼻紫赤刺癢疹俗呼
肺風

舶上硫黃

白礬 各半兩

右為末黃丹少許染與病人面色同每上
五分津液塗之臨卧再塗兼服升麻湯
下瀉青丸服之除其根本也

○耳聾四十七

○耳聾皆屬於熱少陽厥陰熱多當用開痰
散風熱○通聖散滾湯丸之類○大痰後
須用四物湯降火○陰虛火動耳聾者亦
用四物湯

又方

草薺子 四十九粒

棗肉 十箇

右入人乳搗成膏石上畧晒乾便丸如桐
子大每用一丸綿裹塞於耳中

又方

鼠膽汁滴入耳中尤妙

○目鬱而聾者以通聖散內大黃酒煨再
用酒炒三次後入諸藥通用酒炒○耳
鳴目酒過者火劑加枳殼柴胡大黃甘
草南星桔梗青皮荆芥不愈用四物湯

妙○耳鳴必用龍會丸食後服氣實人
檳榔丸或神芎下之○聾病必用龍會
丸四物養陰濕痰者神芎丸檳榔丸

又方

涼膈散加酒炒大黃黃芩酒浸防風荆
芥羌活服腦多射少濕加枯礬吹○耳
內閃閃然亦是陰虛○耳屬足少陰之
經腎家之竅竅於耳也腎通乎耳所主
者精精氣調和腎氣充足則耳聞而聰
若勞傷氣血風邪聾虛使精脫腎憊則

耳轉而聾而又氣厥而聾者有挾風而
聾者有勞損而聾者蓋十二經脉上絡
於耳其陰陽諸經適有交并則臟氣逆
而為厥厥氣搏入於耳是謂厥聾必有
眩暈之吐○耳者宗脉之所附脉虛而
風邪乘之凡入於耳之脉使經氣痞而
不宜是謂風聾必有頭痛之証○勞役
傷於血氣心耗元瘦悴力疲昏
昏聩走

耳能將失得一所血

氣和平則其氣一輕。又有耳觸風邪，而氣相搏，共聲。眼見光為之虛聾。○熱氣虛隨脉入耳，聚熱不散，膿汁出焉為之膿耳。○人耳間有津液，輕則不能為害，苦風熱搏之，津液結鞞成核，塞耳亦令暴聾為之。○停耳前是數者，腎脉可推風則浮而盛，熱則洪而實，虛則溢而濡，風為之踈散，熱為之清利，虛為之調養，邪氣屏退，然以通耳調氣，去腎

之劑主之於此得耳中三昧

和劑流氣飲 治厥聾

流氣飲內加菖蒲生薑葱同煎服○

治聾皆當調氣

桂星散 治風虛耳聾

辣桂 川芎 當歸

細辛 石膏 木通

白蔞梨炒 木香 麻黃去節

甘草炙各一錢半 南星煨

白芷梢各四錢紫蘇一錢

右剉每服二錢水煎葱二莖食後服

地黃丸 治勞損耳聾

熟苳 當歸 川芎

辣桂 兔絲 川椒炒

故紙炒 白茯苓炒 芦巴炒

杜仲炒 白芷 石菖蒲各一錢半

磁石火燒醋碎七入研水飛二錢二分半

右為末煉蜜丸如桐子大服五十丸葱白

温酒吞下

益腎散 治腎虛耳鳴

磁石製如前 巴戟去心 川椒炒各一兩

沉香 石菖蒲各半兩

右為末每服二錢用猪腎一枚細切和以

葱白少鹽并藥濕紙十重裹煨令熟空

心嚼以酒送下

芎芷散 治風入耳虛鳴

白芷 石菖蒲炒 蒼朮

陳皮

細辛

厚朴

半夏

桂

木通

紫蘇莖葉

甘草炙各一錢半

川芎五錢

右剉散每服二錢薑三片葱二枝水煎食

後臨卧服

耳鳴方

草烏燒

石菖蒲

右等分為末用綿裹塞耳一日二度

耳鳴暴聾方

川椒

石菖蒲

松脂各錢半

豈肉五分

右為末鎔蠟丸如棗核大塞入耳

蔓荊子散 治濕熱耳出膿汁

甘草炙

川升麻

木通

赤芍

桑白皮炒

麥門冬去心

生苜

前胡

甘菊

赤茯苓

蔓荊子

右等分每服三錢薑三片棗一枚煎食後
溫服

又方 治耳內出膿

真龍骨

枯白礬

赤小豆

黃丹

烏賊骨

胆脂一錢二分

右為末搽耳

又方 治耳內膿出或黃汁

石膏新瓦上

明礬枯

黃丹炒

真蚌粉

龍骨各等分

射香少許

右為末綿纏竹 拭耳換綿蘸藥入耳

聾耳方 治風熱搏之津液結韌成核塞耳者

生豬脂

地龍

釜下黑等分

右三件細研以葱汁和捏如棗核薄綿裹
入耳令潤即挑出

○斑疹四十八

○斑屬風熱挾痰而作自裏而發於外通聖
散中消息當以微汗散之切不可下則內
虛斑者胃氣極虛一身火游行於外所致

宜補以降之。○發斑似傷寒者痰熱之病發於外微汗以散之。

○斑疹之病其為証各異瘡發焮腫於外者屬少陽三焦相火也謂之斑。○小紅靨行皮膚之中不出者屬少陰君火也謂之疹。○又傷寒陽証發斑有四惟溫毒發斑至重紅赤者為胃熱也紫黑者為胃爛也一則下之早一則下之晚乃外感熱病發斑也以玄參升麻白虎等藥服之。○陰証

發斑亦出膏背又出手足亦稀少而微紅若非熱証投之涼藥大悞矣此無根失守之火聚於膏中上獨熏肺傳於皮膚而為斑點但如蚊蝨虱蚤咬形狀而非錦文也只宜調中溫胃加以茴香芍藥或以大建中湯之類其火自下斑自消退可謂治本而不治標也。

○疹屬熱與痰在肺。○清肺火降痰或解散出汗亦有可下者。○癩疹多屬脾隱隱然

在皮膚之間故言癩疹也發則多痒戈不
仁者是兼風兼濕之殊色紅者兼火化也
調中湯 治內傷外感而發陰斑

蒼朮

一錢半

陳皮

一錢

砂仁

藿香

芍藥

炒

甘草

炙

桔梗

半夏

白芷

羌活

枳殼

川芎

麻黃

桂枝

右咬咀薑三片水煎服

消毒犀角飲子

治斑及癩疹

大力子

六錢

荆芥

防風

各三錢

甘草

一錢

右咬咀水煎服

○吐血四十九

○吐血陽盛陰虛故血不得下行回炎上之
勢而上出脉必大而芤大者發熱芤者血
滯與失血也○大法補陰抑火使復其位
用交趾桂五錢為末冷水調服○山梔子

最清胃脘之血○吐血覺胃中氣塞上吐
便紫血者桃仁承氣湯下之○先吐紅後
吐痰嗽多是陰虛火動痰不下降四物湯
為主加痰藥火藥○先痰嗽後見紅多是
痰積熱降痰火為急○痰涎帶出血此是
胃中清血熱蒸而出重者梔子輕者藍實
○或暴吐紫血一碗者無事吐出為好此
熱傷血死於中用四物湯解毒湯之類○
大吐紅不止以乾薑炮末童便調從治○

喉脫痰血用荊芥散○舌上無故出血如
泉不止以槐花炒末乾摻之○若吐血一
方童便一分酒半分播栢葉溫飲非酒不
行

○嘔吐血出於胃也實者犀角地黃湯主
之○虛者小建中湯加黃連主之○凡血
証上行或唾或嘔或吐皆逆也若變而下
行為惡痢者順也上行為逆其治難下行
為順其治易故仲景云畜血証下血者當

自愈也與此意同若無病人忽然下痢其
病進也今病血証上行而復下行惡痢者
其邪欲去是知吉也○諸見血身熱脉大
者難治是火邪熱也○身涼脉靜者易治
是正氣復也故脉訣鼻衄吐血沉細宜忽
然浮大即傾危

三黃補血湯 初見血及見多宜服

熟苾 一錢 生苾 半錢 當歸 七分半

柴胡 五分 升麻 白芍 二錢

牡丹 五分 川芎 七分半 黃芪 五分

右以水煎服○血不止可加桃仁半錢酒

大黃酌量虛實用之內却去柴胡升麻

又方 治見血復脾胃弱精神少血不止者

人參 一錢 黃芪 二錢 五味 十三箇

芍藥 甘草 當歸

麥門 各五分

右以水煎服○加玉金研亦可

又方

人參

白朮

茯苓

陳皮各二錢

半夏各

甘草

川芎各五分

青皮

神曲各三分

右咬咀水煎服

○如胃不和加藿香○如渴者加葛根五

分○若痰結塊者加貝母一錢黃芩五

分去白陳皮五分○若小便赤色者加

炒黃柏五分○若大便結燥加當歸七

分心煩加黃連酒拌晒乾五分○若小

便滑加煨牡蠣○如見血多去半夏恐

燥加生芩一錢牡丹五分桃仁三分○

若胃中不足飲食少進加炒山梔子仁

八分○若血溢入濁道留聚膈間滿則

吐血宜蘇子降氣湯加人參阿膠各五

分○上膈壅熱吐血者以四物荆芥湯

阿膠各五分更不止於本方中加大黃

滑石各五分○胃傷吐血理中湯加川

芎乾葛各五分此是飲酒傷胃也○吐

血不止用生葛根為末二錢水煎放冷
食後服良

四生丸 治吐血陽乘於陰血熱妄行服之良

生荷葉 生艾葉 生柏葉

生地黄 等分

右爛研如鷄子大服一丸水二盞煎一盞

去滓溫服

大阿膠丸 治肺虛客熱咳嗽咽乾多唾涎沫

或有鮮血勞傷肺胃吐血嘔血並

可服

麥門志 茯神 柏子仁

百部根 杜仲炒 丹參

貝母炒 防風各兩 山藥

五味 熟羊 阿膠炒各一兩

遠志 人參各三錢半 茯苓一兩

右為末煉蜜丸如彈大每服一丸水煎六

分相服

犀角地黄湯 治傷寒汗下不解鬱於經絡隨

氣湧泄為衄血或清道閉塞流
入胃腹吐出清血如鼻衄吐血
不盡餘血停留致面色痿黃大
便黑者更宜服之

犀角 磅

生芩

白芍

牡丹 等分

右咬咀每服五錢水煎溫服

實者可服

○咳血五十

○咳血之由不一或熱或虛

又方

青黛

瓜蒌仁

訶子

海粉

山施

右為末以蜜同薑汁丸噲化咳甚者加杏
仁後以八物湯加減調理

黃芪散

治咳血成勞

甘草 四錢

黃芪

麥門

熟芩

桔梗

白芍

各五錢

右每服五錢水煎服

茯苓補心湯

治心氣虛耗不能藏血以致面

色痿黃五心煩熱咳嗽唾血

茯苓

半夏

前胡

紫蘇

人參

枳殼

桔梗

甘草

葛根

各半兩

當歸一兩

川芎七錢半

陳皮

白芍各三兩

熟艾

右以咀薑棗煎

○嘔血五十一

○嘔血火載血上錯經妄行○脉大發熱喉

中痛者是氣虛用參芪蜜炙黃柏荆芥帶

當歸地黃用之○嘔血用韭汁童便薑汁

磨鬱金同飲之其血自消○火載血上錯

經妄行用四物湯加炒山梔童便薑汁服

之○又方山茶花童便薑汁酒服○又鬱

金末治吐血入薑汁童便良○又方用韭

汁童便二物合用鬱金細研和服○又方

治吐血或衄血上行用鬱金如無以山茶

花代薑汁童便加酒調服後以犀角地黃湯加鬱金

○怒氣逆甚則嘔血暴癲內逆肺肝相搏血溢鼻口但怒氣致血証者則暴甚故經曰抑怒以全陰者是矣否則五志之火動甚火載血上錯經妄行也○用柴胡黃連黃芩黃芪地骨生草熟苧白芍以水煎服○虛者以保命生地黃散再加天門冬枸杞甘草等分水煎服

入方 治嘔血

黃栢蜜炙

右搗為末煎麥門冬湯調二錢匕立瘥

聖惠方 治嘔血

側栢葉

右為末不計時以粥飲調二錢匕

○咯血五十二附痰涎血

○咯血痰帶血絲出者用薑汁青黛童便入血藥中用如四物湯加地黃膏牛膝膏之

類

○咯唾血出於腎以天門冬麥門冬貝母知母桔梗百部黃柏遠志熟羊之類
○痰涎血出於脾以葛根黃連芍藥當歸甘草沉香之類主之

入方 治痰中見血

白朮

牡丹皮各一錢半 當歸

芍藥

桃仁研 貝母各一錢

山梔子炒黑

黃芩各一分 桔梗七分

青皮 五分

甘草 三分

右以水煎服

又方 治痰中血

白朮

牡丹皮各一錢半 貝母

桑皮

芍藥 桃仁研各一錢

山梔子炒黑一錢一分

甘草 三分

又方 治同前

橘紅二錢

茯苓

白朮

枳殼

桔梗

桑皮

黃芩各一錢 半夏

人參各五分

五味十五箇 甘草三分

右以水一鍾生薑三片煎服加青黛五分

又方

橘紅一錢半 半夏 茯苓

牡丹 貝母 桃仁各一錢

黃連七分 甘草 大青各五分

右以水煎生薑三片

又方 治咯血

荷葉不以多少焙乾

右為末米湯調二錢匕

初虞世方 治咯血并肺痿多痰

防己 葶藶等分

右為末糯米飲調下一錢

又方 治咯血及衄血

白芍二兩 犀角末二錢半

右為末新水服一錢匕血止為限

天門冬丸 治咯血并吐血又能潤肺止咳

天門冬 一兩

甘草

杏仁 炒

貝母

白茯苓

阿膠 炮各半兩

右為末蜜丸如彈大服一丸噙化

又方 治咯血

桑皮 一錢半

半夏

知母 炒

貝母

茯苓

陳皮

生芋 各一錢

阿膠 炒

杏仁 炒

甘草 各五分

桔梗 七分

山梔 炒七分

柳桂

二分即佳之散小枝條也宜入土焦

右以水煎生薑三片

○衄血五十三

○衄血涼血行血為主大抵與吐血同○用

山茶花為末童便薑汁調下○犀角地黃

湯入鬱金同用犀角能解毒○又以鬱金

末童便薑汁并酒調服○經血逆行或血

腥或吐血或唾血用韭汁服之立効○治

血汗血衄以人中白新瓦上逼乾入射香

少許研細酒調下經驗人中白即溺白涎

秋石也

○衄血出於肺以犀角升麻梔子黃芩芍藥生羊紫苑丹參阿膠之類主之○原病式曰衄者陽熱怫鬱干於足陽明而上熱則血妄行故鼻衄也

河間生地黄散

治鬱熱衄血或咯吐血皆治

枸杞

柴胡

黃連

地骨

天門冬

甘草

黃芩

黃芪

生芩

熟芩 等分

右吹咀水煎服

若下血加地榆

又方 治衄血

伏龍肝 半升

右以新汲水一大碗淘取汁和蜜頓服

茜根散 治鼻衄不止

茜根

阿膠

蛤粉炒

黃芩

側柏葉

生芩

各二兩

甘草

炙半兩

右以水一鍾薑三片煎服

黃芩芍藥湯 治鼻血不止

黃芩

芍藥

甘草 各等分

右以水煎服○或犀角地黃湯如無犀角以升麻代之

○鼻通於腦血上溢於腦所以從鼻而出凡鼻衄並以茅花調止衄散時進折二泔仍令其以麻油滴入鼻或以蘿蔔汁滴入亦可又茅花白芍藥對半尤穩○

外迎法以井花水濕紙項上貼之○左鼻衄以線扎左手中指右鼻衄以線扎右手俱出兩手俱扎○或炒黑蒲黃吹鼻中又龍骨末吹亦可

止衄散

黃芪 六錢

赤茯苓

白芍

當歸

生芩

阿膠 各三錢

右為末每服二錢食後黃芪湯調服

芎附飲

川号二兩 香附四兩

右為末每服二錢茶湯調下

又法 治心熱吐血及衄血不止

百葉榴花 不以多少

右乾為末吹入鼻中立瘥

○下血五十四

○下血其法不可純用寒涼藥必於寒涼藥中加辛味為佐久不愈者後用溫劑必兼升舉藥中加酒浸炒涼藥加酒煮黃連丸

之類寒曰熱用故也○有熱加四物炒山梔子升麻秦艽阿膠珠○屬虛者當溫散四物加炮乾薑升麻○凡用血藥不可單行單止

又方

白芷 五倍子

右為末粥丸桐子大服五十九丸米湯下

○下血當別其色色鮮紅為熱以連蒲散又若內蘊熱毒毒氣入腸胃或曰飲酒

過多及啖糟穢炙博引血入大腸故下
血鮮紅宜黃連丸或一味黃連煎飲若
大下不止者宜四物湯加黃連槐花仍
取血見愁少許生薑搗取汁和米飯服
於血見愁草中加入側柏葉與生薑同
搗汁丸好有毒者入腸胃下血者亦宜
加黃連煎服○血色瘀者為寒血逐氣
走冷氣入客腸胃故下瘀血宜理中湯
溫散○若風入腸胃純下清血或溫毒
並宜胃風湯加枳殼槐花荆芥○擲撲
損惡血入腸胃下血濁如瘀血者宜黑
神散加老黃茄為末酒調下○內經云
下血為內傷絡脉所致用枳殼一味服
之又方用黃連二兩枳殼二兩槐花八
兩炒上二味去槐花不用止以二味煎
服立刻以解絡脉之結也

又方

血餘炭

鞋底灰

猪牙皂角灰 等分

右為末酒調三錢匕服

又方 治下血却劑

百藥煎 一兩取一半燒為灰

右為末糊丸桐子大服六十空心米湯下

槐花散 治腸胃不調脹滿下血

蒼朮 厚朴 陳皮

當歸 枳殼各二兩 槐角二兩

甘草 烏梅各二兩

又方 治下鮮血

梔子仁 燒灰

右為末水和一錢七服

又方 治糞前有血面色黃

石榴皮

右為末煎茄子枝湯調一錢匕

又方 治糞後下血不止

艾葉 不以多少

右以生薑汁二合和服

又方

槐花

荆芥穗 等分

右為末酒調下一錢匕

仍空心食猪血妙

又方

治臟毒下血

苦練炒令黃

右為末蜜丸米飲下二十丸甚妙

又方

治卒下血

赤小豆

一升搗碎水三升絞汁飲之

烏梅丸

治便血下血

烏梅三兩燒存性

右為末醋糊丸桐子大空心服七十九丸

湯下

○腸風臟毒五十五

○腸風獨在胃與大腸出

又方

黃芩

秦光

槐角

升麻

青黛

○若無風者蒼朮秦光芍藥香附○腸胃
不虛邪氣無從而入人雖坐卧風濕醉

飽房勞生冷停寒酒麵積熱以致榮血
失道滲入大腸此腸風臟毒之所由作也
挾熱下血清而色鮮腹中有痛挾冷下
血濁而色黯腹內畧疼清則為腸風濁
則為臟毒有先便而後血者其來也遠
有先血而後便者其來也近世俗糞前
糞後之說非也治法大要先當解散腸
胃風邪熱則用敗毒散冷者與不換金
正氣散加川芎當歸後隨其冷熱而治

之○芎歸湯一劑又調血之上品熱者
加茯苓槐花冷者加茯苓木香此則自
根自本之論也雖然精氣血氣生於穀
氣靖惟大腸下血大抵以胃藥收功以
四君子湯參苓白朮散以枳殼散小烏
沉湯和之胃氣一回血自循於經絡矣
○腸風者邪氣外入隨感隨見○臟毒
者蘊積毒久而始見三日方五痔腸風
藏毒辨之甚詳○前二証皆以四物湯

刺蝟皮

又方 治腸風下血

滑石

當歸

生苜

黃芩

甘草

蒼朮

右以水煎服

或以蒼朮生苜不犯鉄器

為末丸服

又方

茄蒂

燒存性

梔子

右為末搗飯丸如桐子片每服一百丸空

心米湯下

又方 便血久遠傷血致虛并麻風癬瘡見面

龜板

二兩酥炙

升麻

香附

各半兩

芍藥

一兩半

側柏葉

一兩

椿樹皮

七錢半

右為末粥丸以四物湯加白朮黃連甘草

陳皮作末湯調送下丸藥

又方 腸緩大口渴便血經紫色勞傷挾濕

白朮

半兩

黃柏炒

生苜

白芍 各二錢 地榆 二錢 黃芩 一兩
香附 二錢

右為末蒸餅丸服

又方 治積血便血

蒼朮 陳皮 一兩半 黃連

黃柏 條芩 各七錢半

連翹 半兩

右為末生芋膏丸如桐子大每服五七十

丸 白湯下

又方 腸風脫露以車荷鳴五七箇焙乾燒灰

醋調搽仍忌濕麵酒辛熱物

蒜連丸 一名金屑萬應丸

獨頭蒜 一箇 黃連 不以多少

右先用獨蒜煨香熟和藥杵勻丸如桐子

空心米湯下四十丸

又方 治腸風

香附 炒 一兩 枳殼 炒 七錢半

當歸 川芎 各半兩 槐花 炒

甘草 炙各二錢半

右為麤末每服三錢水煎生薑三片棗一枚

又方 小烏沉湯枳殼散參苓白朮散四君子

湯四件薑棗煎治下血

○溺血五十六

○溺血屬熱○用炒山梔子水煎服或用

煎琥珀○有血虛四物加牛膝膏

小蘗飲子 治下焦結熱血淋

小蘗 滑石 通草

淡竹 蒲黃炒 藕節

當歸 酒浸 梔子 甘草 炙各半兩

右水煎空心溫服

○溺者痛者為淋不痛者為溺血溺血先

與生料五苓加四物湯若服不効其人

素病於色者此屬虛宜五苓散和膠艾

湯吞鹿茸丸或辰砂妙香散○四物加

生芋牛膝○或四物加黃連棕灰又六

味地黄丸為要藥○莖中痛用甘草梢
血藥中少佐地榆陳皮白芷棕灰○劫
劑用瑞竹堂蒲黃散蒲黃炒古石灰炒
破故紙炒為末調服○或單用蒲黃○
或煎葱湯調玉金末服之○又文蛤灰入
煎劑妙○大抵小便出血則小腸氣秘
氣秘則小便難甚痛者謂之淋不痛者
謂之溺血並以油頭髮燒灰存性為末
新汲水調下妙○又方以車前子為末

煎車前葉調二錢服

許令公方

治尿血

生芩下汁升生薑汁一合

右以二物相合頓服瘥

○癲狂五十七

○癲屬陰狂屬陽癲多喜狂多怒脉虛者可
治實則死大率多曰痰結於心膏間治當
鎮心神開痰結亦有中邪而成此疾者則
以治邪法治之原病式所論尤精蓋為世

所以重陰者癲重陽者狂是也大槩熱
○癲者神不守舍狂言如有所見經年不
愈心經有損是為真病如心經畜熱當清
心除熱如痰迷心竅當下痰寧志若顛哭
呻吟為邪所憑非狂也燒蚕紙酒水下方
寸匕○卒狂言鬼語針大拇指甲下即止
○風癲引脇痛發則耳鳴用天門冬去心
晒乾作末酒服方寸匕○癲病春治之入
夏自安宜助心氣之藥○陽虛陰實則癲

陰虛陽實則狂狂病宜大吐下則除之

又方 治狂邪發無時披頭大叫欲殺人不避
水火

苦參 不以多少

右為末蜜丸如桐子大每服十五丸煎薄
荷湯下

○漏瘡五十八

○漏瘡先須補藥生氣血用參芪朮芍歸為
主大劑服之外以附子唾津和作餅子如

錢厚以艾灸之漏大炷大漏小炷小但灸
令微熱不可使痛餅則易之再研為末作
餅再灸如困則止來日再灸直至肉平為
效亦有用附片灸初服前補劑作膏服之
尤妙

○漏者諸瘻之潰漏也狼瘻鼠瘻螻瘻蛄
瘻蜂瘻蚰蟥瘻蟪瘻浮蛆瘻轉筋瘻古
所謂九瘻是爾折而言之二十六種其名
目又不同焉大抵外傷四氣內窘七情與

夫飲食非常染觸蠢動含靈之毒未有不
變為瘻瘡穿孔一深膿汁不盡得冷而風
邪併之於是涓涓而成漏矣然有五年漏
者有久年漏者近則帶淡紅或微腫或小
核久則外而槁白內而黑爛淫虫惡臭主
焉

猪腎丸 通行漏瘡中惡水自大腸中出

黑牽牛 碾細末二錢半入猪腎中以線扎青竹葉包

右用慢火煨熟空心溫酒嚼下

漏竅外塞用炉甘石便煨牡礪粉
乳香丸 治冷漏

乳香 二錢半 牡礪粉 一錢二分半

右為末雪糕糊丸麻子大每服二十九空

心薑湯下

生地黄膏 治漏瘡通用

露蜂房 炙 五倍子 木香 各三錢

乳香 一錢 輕粉 一字

右為末用生地黄一握搗細和為膏攤生

絹上貼瘡

蛇蛻散 治漏瘡血水不止

蛇皮 焙焦 五倍子 龍骨 各二錢半

續斷 五錢

右為末入射香少許津液調付

熏漏瘡方

艾葉 五倍子 白膠香

苦練根 等分

右剉碎燒香法置長桶內坐熏

洗漏瘡方

治漏瘡孔中多有惡穢常時避風

洗淨

露蜂房白芷煎湯洗

或大腹皮苦參煎湯洗

右洗畢候水出拭乾先用東向石榴皮晒

為末乾摻以殺淫虫少頃付藥

又瘦方

九孔蜂房炙黃

右為末臘月猪脂研付俟收汁以龍骨降

香節入此乳香便瘡

○痔瘡五十九

○痔瘡專以涼血為主

又方

人參 黃芪 生芩涼血

川芎 當歸和血 升麻

條芩涼大腸 枳殼寬腸 槐角涼血住血

黃連

一方無黃連升麻

又方

五倍子

朴硝

桑寄生

蓮房

右等分煎湯洗之

○痔者皆曰臟府本虛外傷風濕內蘊熱毒醉飽交接多慾自戕以波氣血下墜結聚肛門宿滯不散而衝突為痔也其肛邊發露肉珠壯如鼠乳時時滴瀝膿血曰牡痔○肛邊生瘡腫痛突出一枚

數日膿潰即散曰牝痔○腸內結核有血寒熱往來登溷脫肛曰腸痔○若血痔則每遇大便清血而不止○若酒痔則每遇飲酒發動瘡腫而流血○若氣痔則憂恐鬱怒適臨乎前立見腫痛大便艱難強力則肛出而不收矣此諸痔之外証也○治法總要大抵以解熱調血順氣元之蓋熱則血傷血傷則經滯經滯則氣不運行氣與血俱滯乘虛而

墜入大腸此其所以為痔諸痔久不愈
必生穿穴為漏矣

入方 治諸痔瘡

槐花 二合 皂角刺 一兩 搥碎

胡椒 十粒 川椒 一兩

右用獾猪肚一箇入藥在內扎定口煮熟
去藥空心吃猪肚

清心湯 素問云諸痛痒瘡皆屬於心心主血
熱此藥主之

黃連 一兩 茯神 微赤茯苓

右為末煉蜜丸如桐子大每服一百丸食
前米湯下

清涼飲 治諸痔熱甚大便秘結

當歸 芍藥 甘草 炙

大黃 米上蒸晒等分

右為麤末每服二錢新水調下

槐角丸 治諸痔腸風下血及脫肛

槐角 一兩 防風 地榆

當歸

枳殼

黃芩各半兩

右為末糊丸如桐子大空心米湯下三十丸最妙

蝟皮丸

治諸痔出血裏急疼痛

槐花炒

艾葉炒

枳殼

地榆

當歸

川芎

黃芪

白芍

白礬

貫衆

蝟皮一兩炙

頭髮燒三錢

猪頭蹄重甲一枚炙焦

皂角一大定炙黃去皮

右為末煉蜜丸如桐子大服五十丸食前

米湯下

猪甲散

治諸痔

右為末陳米湯調二錢空心服

芎歸丸

治痔下血不止

川芎

當歸

黃芪

神麩炒

地榆

槐花

炒各半兩

阿膠炒

荆芥

木賊

頭髮

燒灰各錢半

右為末煉蜜丸桐子大服五十丸食前米湯下

乾葛湯 治酒痔

乾葛

枳殼炒

半夏

茯苓

生芩

杏仁各半兩

黃芩

甘草

炙各二錢半

右剉每服三錢黑豆百粒薑三片白梅一箇煎服

橘皮湯

治氣痔

橘皮

枳殼炒

川芎

槐花

炒各半兩

檳榔

木香

桃仁

炒去皮

紫蘇

葉

香附

甘草

炙各二分半

右剉每服三錢薑棗煎服

黃連散

元有痔漏又於肛門邊生一塊皮後腫痛作膿就在痔孔出作食積注下治之

黃連

阿膠

神麩

查子

桃仁

連翹

海藻

黃栢 各等分

右為末以少許置掌心時時舐之津液嚥下如消二分之二止後服

熏洗方

槐花

荆芥

枳殼

艾葉

右以水煎入白礬熏洗

又以五倍子如

燒香法置桶中坐熏妙

又方

木鱉子 七箇取仁研

土礬末 二錢

右以水煎熏洗兩三次

又如肛門腫痛

以朴硝末水調淋之良更治熱腫

又方

治腸痔每大便常有血

右以蒲黃末方寸匕米飲調下日三頓差

止

又方

搗桃葉一斛蒸之內小口器中以下部

榻上坐虫自出

地黄丸 治五痔滋陰必用之

地黄 酒蒸熟一兩六錢

槐角 炒

黃柏 炒 杜仲 炒

白芷 各一兩

山藥 山茱萸

獨活 各八錢

澤瀉 牡丹

茯苓 各六錢

黃芪 一兩半 白附子 一錢

右為末煉蜜丸如桐子大空心服五十丸

米湯下

熏痔方 用無花果葉煮水熏少時再洗 又

好醋沃燒新磚如法坐熏良

又方

大黃 三錢煨

牡礪 一兩煨

右為末作十服空心服

○瘟疫六十 附大頭天行病

○瘟疫眾人一般病者是又謂天行時疫治有三法宜補宜散宜降

入方

大黃 黃連 黃芩

人參

桔梗

防風

蒼朮

滑石

香附

人中黃

右為末神曲糊丸每服六七十丸分氣血
與痰作湯使氣虛者四君子湯血虛者
四物湯痰多者二陳湯送下熱甚者童
子小便下

○大頭天行病此為濕氣在顛高之上切
勿用降藥東垣有方

羌活

酒芍

酒大黃蒸

○治大頭病兼治喉痺歌

人間治疫有仙方 一兩殭蚕二大黃

薑汁為丸如彈子 井花調蜜便清涼

漏芦丸

治巖府積熱發為腫毒時疫疙瘡頭

面洪腫咽嗑閉 塞水藥不下一切

危惡疫癘

漏芦

升麻

大黃

黃芩

藍葉

玄參 等分

右咬咀每服二錢水煎服 腫熱甚加芒

硝二錢

消毒丸 治時毒疔瘡惡証

大黃

牡礪

殭蚕 炒各等分

右為末煉蜜丸如彈子大新水化一丸○

內加桔梗大力子湯尤妙

○冬瘟為病非其時而有其氣者冬氣當

君子閉藏而反發泄於外專用補藥而

帶表藥也

又方

用竹筒兩頭留節中作一竅內甘草於

中仍以竹木釘閉門竅於大糞缸中浸

一月取出晒乾名人中黃以治疫毒

左手脉大於右手浮緩而盛按之無

力

○六鬱六十一

○鬱證氣血泄和萬病不生一有怫鬱諸病

生焉故人身諸病多生於鬱○蒼木撫芎

總解諸鬱隨証加入諸藥

氣鬱加

香附 童便浸 蒼朮 米泔浸 撫芎

血鬱加

桃仁 去皮 紅花 青黛

川芎 撫芎奇 香附

溫鬱加

白芷 蒼朮 川芎

熱鬱加

山梔 炒 青黛 香附

食鬱加

蒼朮 撫芎 香附

痰鬱加

香附 山查 神麩

蒼朮 針砂 醋炒 海石 香附 南星

瓜蒌

越鞠丸 解諸鬱証

蒼朮

撫芎

香附

神曲

梔子

右為末丸

又名芎朮丸

凡鬱皆在中焦以蒼朮撫芎開提其氣以升之假如食在氣上提其氣則食自降矣餘皆倣此

○內傷六十二

○內傷○東垣內外傷辨甚詳世之病此者為多但有挾痰者有挾外邪者有熱鬱於

內而發者皆以補元氣為主看以所挾而無用藥

○內傷者其源皆出於喜怒過度飲食失節寒溫不適勞役所傷而然元氣者乃生發諸陽上并之氣飲食入胃有傷則中氣不足中氣不足則是六府陽皆絕於外是六府之元氣病也氣傷藏乃病府病形乃應是五藏六府真氣皆不足也惟陰火獨旺上乘陽分故榮衛失守諸病生焉○始

受飲食勞倦所傷之病必氣高而喘身熱而煩及及短氣鼻息不調怠惰嗜卧四肢困倦不收無氣以動亦無氣以言皆為熱傷元氣以甘溫之劑以補元氣即是瀉火之藥凡所受病捫摸之肌膚間必大熱必躁熱悶亂心煩不安或渴久病心下渴或表虛惡風寒慎不可以寒涼藥與之經言勞者溫之損者溫之惟以補中益氣湯溫藥以補元氣而瀉火邪內經云溫能除

大熱正謂此也

補中益氣湯

黃芪 一錢半 勞後病甚可用有嗽者減去一錢

人參 甘草 炙各錢半

已上三味除溫熱煩熱之聖藥

當歸身 五分 酒洗以和血

陳皮 五分 以導滯氣又能同諸甘藥益元氣獨用瀉

柴胡 五分 引清氣行少陽之氣上升

白朮 五分 升麻 三分 引胃氣上騰而復其本位

○葛根五分如渴用之不渴不用○
一方有白芍五分秋冬不用○紅花
三分○少加黃栢三分以救腎水瀉
伏火

右作一服水煎午前稍熱服○若病日久
者以權立加減法

○若頭痛加蔓荊子三分甚痛加川芎五
分頂痛腦痛加藁本五分細辛三分諸
頭痛併用此四味頭痛有痰沉重癩倦

者乃太陰厥頭痛加半夏一錢或五分
生薑三片○若耳目黃頰頷腫頸肩膈
肘臂外後簾痛面赤脉洪大者加羌活
一錢防風七分甘草三分藁本五分通
其經血加黃芩黃連各三分消其腫○
噎痛頷腫脉洪大面赤加黃芩三分桔
梗七分甘草三分○口乾噎乾或渴者
加葛根五分升胃氣上行以潤之○心
下痞夯悶者加芍藥黃連各一錢如痞

腹脹加枳實三分厚朴七分木香砂仁
各三分如天寒加乾薑○腹中痛加白
芍藥炒半錢甘草三分如惡寒覺冷痛
加中桂五分夏月腹中痛不惡寒不惡
熱者加黃芩五分芍藥一錢甘草五分
以治時熱○臍下痛者加真熟地黃五
分○如胃中滯氣加黃花青皮一分或
二分壅滯可用氣促少氣者去之○如
身體重痛乃風濕相搏加羌活五分防

風五分升麻一錢柴胡五分藁本根五
分蒼朮一錢如病去勿再服○若大便
祕澀加當歸梢一錢○若久病痰嗽者
去人參冬月加不去節麻黃秋涼亦加
不去節麻黃春月天溫只加佛耳草三
分欵花一分勿加麻黃○若初病之人
雖痰嗽不去人參必不增添為久病肺
中伏火者去人參以防痰嗽增益耳○
長夏濕之客邪大旺加蒼朮澤瀉上下

○今消其濕熱之氣濕熱大勝主食不消故食減不知穀味則加神曲以消之加五味子麥門冬助人參瀉火益肺氣助秋損也在三伏中為聖藥○腸下急或痛俱加柴胡甘草人參○多唾或噦白沫胃口上停寒也加益智仁○若胃脘當心痛加草豆仁三分

枳朮丸

治痞消食強胃○又云食過傷損元氣以此主之

枳實炒二兩

白朮二兩

右為末荷葉裹燒飯丸白朮者不取其食速化但久令人腎氣強實不復傷也

○夢遺六十三附補遺精

○專主乎熱○帶下與脫精同治法青黛海石黃栢○內傷氣血不能固守常服八物湯加減吞椿樹根丸○思想成病其病在心安神帶補熱則流通知母黃栢蛤粉為丸○精滑專主濕熱黃栢知母降火牡礪

粉蛤粉燥濕

○遺精得之有四有用心過度心不攝腎以致失精者有因思色欲不遂精色失位輸精而出者有欲太過滑泄不禁者有年高氣盛久無色欲精氣滿泄者然其壯不一或小便後出多不禁者或不小便而自出或莖中出而疼痛常如欲小便者並宜先用辰砂妙香散或威喜丸或分清飲別以綿裹龍骨同煎又或分清飲半貼加五

倍牡蠣粉白茯苓五味子各半錢煎服○
夢遺俗謂之夜夢鬼交宜溫膽湯去竹茹
加入參遠志蓮肉酸棗仁炒茯神各五分
妙香散

麝香

一錢分研

人參

半兩

木香

茯苓

茯神

黃芪

各一兩

桔梗

甘草

各半兩

辰研

三錢分研

遠志炒二兩

山藥

姜汁炒一兩

右為末每服二錢不拘時溫酒服

威喜丸

黃蠟 四兩

白茯苓

四兩一塊用猪苓一分向於

磁器內煮二十沸取出日乾不用猪苓

右以茯苓為末鎔蠟丸如彈子大每服一

丸空心細嚼津液嚥下小便清為愈忌

米醋

○赤白濁六十四

○濁主濕熱有痰有虛赤濁屬血白濁屬氣
痢帶同治寒則堅凝熱則流通○大率皆

是濕痰流注宜燥宮中之濕用二陳加蒼

朮白朮燥去其濕○赤者乃是濕傷血也

加白芍藥必用珍珠粉丸加椿樹白皮滑

石青黛作丸藥○虛勞用補陰大槩不宜

涼藥○肥人必多痰以二陳湯去其濕○

胃弱者兼用人參以柴胡升麻升其胃由

之氣○丸藥用黃柏炒褐色乾薑炒微黑

滑石蛤粉青黛○胃中濁氣下流為赤白

濁用二陳加柴胡升麻蒼朮白朮○丸藥

用樗木蛤粉炒乾薑炒黃柏○專主胃中
濁氣下流滲入膀胱青黛蛤粉○又方炒
黃柏一兩生黃柏二錢半滑石三兩神曲
半兩為末滴水丸○燥濕南星半夏蛤粉
青黛為末神曲糊丸青黛為衣○有熱者
青黛滑石黃柏之類○一人便濁經年或
時夢遺作心虛主治形瘦用珍珠粉丸和
定制丸服○一婦人年近六十形肥奉養
膏粱飲食肥美中焦不濟濁氣流入膀胱

下注白濁用二陳去痰加升麻柴胡清胃
中氣加蒼朮去濁白朮補胃全在活法服
四貼後濁減大半却覺育滿曰柴胡升麻
升動胃氣痰阻滿悶又用本湯加炒曲白
朮素無痰者雖升動不滿也

又方 一婦人氣血兩虛有痰痛風時作陰火
間起小便白濁或帶下亦同

青黛

蛤粉

椿末

滑石

乾薑炒

黃柏炒褐色

右為末神曲糊丸仍用前燥痰丸子亦治
帶下病

又云黃栢治濕熱青黛解熱蛤粉鹹寒入
腎滑石利竅乾薑味苦辛斂肺氣下降
滋陰血生乾薑監制

蛤粉

青黛肝脈沉者用青黛以瀉肝

黃栢

黑生黃栢二兩

蛤殼

三兩

神曲半兩

右為末水丸服

